

清江縣志卷之三

建置志

城池

南唐昇元二年始升蕭灘鎮為縣其時城制無考

宋淳化三年以清江縣建臨江軍縣為附郭始築土城

城東岸瀕大江江水漲輒崩齧基勿克固守土者乘閒

令民具畚鍤補綴罅漏幸免無患

元大德間總管李侗始伐石築陂障免水患至正間守

臣保童始築城浚濠其東面尋沒於江西南北復就圯

城制仍未備

清江縣志

卷之三

城池

明宏治十年知府吳叙度土城故址增築之正德六年

華林賊掠城城毀明年知府熊希古乃改築甃城為雉

凡三百有奇周一千五百六十七丈三尺高一丈六尺

有奇為女墻凡二千九百四十二高視城身殺十之七

厚下一丈二尺有奇上殺其二實以土石覆以觀樓加

浚西南北三面濠深廣如制為門八東曰廣濟曰利涉

曰圃化曰鐵鑪南曰鍾秀西曰望仙曰富壽北曰朝京

提學彭綱記

記曰正德八年癸酉冬十一月甲戌今太

始備也臨江府城昉於宋厥後或修或圯元至正甲辰

既兵克偽漢臨歸附因元之舊置千戶所成之後所徙

城夷然周遭礫址曠地墮池諸門之闕猶存正德六年

夏六月華林盜入禍極慘烈於是人心奮激思得捍衛

明年公履任周視內外心測志奮乃理武事乃覈帑庾計可施言於當道度地籌功鳩工庀器配役於民伐石於山址之以石累之以甃結之以灰內外夾施經始於壬申六月至是說工爲輪廣凡三百雉有奇爲高凡一丈六尺有奇爲女雉凡二千九百四十二高視城身少十之七爲厚下一丈二尺有奇上殺其二實以甃石覆之以土其平如砥可以驅馳運五兵爲敵臺凡一十有八旁出城十之三爲串崖之楹凡一千四百七十一爲臺門六架以危樓皆仍其舊而加治焉惟西則夷其闕而重新之視諸門益壯爲水竇六皆甃之以甃櫺之以鐵以洩淫潦之害爲隍池皆覈出於民與城嚶高下而重浚之凡工與趨事之民皆視其事而上下餼之直之凡費過白金以兩計者八千三百七十而旬月犒勸若魚米酒肉之類則不在是凡爲費公皆隱度通融公帑所儲蓄而助以聽訟束金之餘與舊例商估繻直所謂堂食錢者民弗與知也噫百年廢墜一旦復與轟轟言言逶迤起伏遠而望之則虹霓盤卷憑駕河山迫而視之則陰陽經緯蔽虧日月民安其居戎息其心我據其勝矣今夫成天下之事者有三曰志曰才曰時有志而無才則疎而不合有才而無志則靡而不振志且才矣

清江縣志

卷之三

城池

二

而不值乎斯民企望之時則卒然使之未必不以爲厲已此古今豪傑抱志與才往往至於懊憤扼腕銜其事功之不建者爲是故也惟公適是三者而佚道是用此其所以克樹衆人久繫之峻功於反掌之間若天設神化然公於是可謂能矣抑天其或者將有以昌公之策於方來而先以是爲兆也不然何昔之難而今之易也耶始臨之民阨於盜焚之餘一夕而數警者凡數年感公之障固而引之凡耆宿少壯莫不歡懽戴向願壽公德於無窮於是臨之縉紳相與合謀得石而確之屬綱記之公名希古字尚友由進士歷任刑部郎中至今官其爲政因繩律後東南復爲江水所壞嘉靖元年知府以寓仁愛云

徐問十四年知府徐顥先後重葺三十九年巡撫何遷

按郡病城卑薄檄府增高四尺撤去觀樓以防潛匿建

宿樓三十一所敵臺十五座旋於東面增闢丹鳳門更

名文明門又闢育賢門且更利涉門爲萬勝園化門爲

興化望仙門爲西成朝京門爲朝天餘如故凡十門久漸傾塌崇正八年知縣王心純復修治十一年知府胡永清推官胡來相知縣秦鏞增建窩舖一百十所敵臺二十座十四五年水患相繼城凡三圯計二百餘丈署府事推官俸秉澹知府毛之儁知縣秦鏞捐貲修築

國朝順治八年清波門石坎壞城陷九尺知縣洪其清重繕康熙二年總督張朝璘按郡又檄知縣張暎增高二尺六年四月大雨清波富壽二門城圯數十丈守湖西道施閏章知府王撫民同知李一盛通判溫如璜推官張亨升知縣屈有信捐貲整葺乾隆二十三年知縣沈

廷標以修城詳請報可改建門樓雉堞計共一千七百七十二丈五尺費出廉俸及贖金之餘計共二千四百七十餘兩城制益大備今城門十東仍曰廣濟曰育賢曰萬勝曰興化曰清波而文明則改爲興仁

今仍稱南文明

仍曰南薰西仍曰西成曰富壽北仍曰朝天乾隆三十一年育賢門災後因縣學遷建遂加堵塞道光二十六年巡撫吳文鎔按郡知縣阮克峻捐貲整葺咸豐三年知縣陳紀麟奉上憲檄修繕全城增高雉堞蓋造城樓門俱仍舊制益雄壯五年冬粵匪踞城七年官軍克復城多傾塌知府胡天墀知縣馮械捐貲修葺同治二年

知府許應鏞知縣陳紀麟補葺各處城身垠口始增完固

城外東面大江不復浚濠自宋以來繕築圩隄以護城而城內地形以高臨下渠水穿岸東注於江者凡七虎川臺興化門皆水道所注深廣數丈許向啟竇爲木瀆復加甕甃櫺以鐵以殺淫潦之勢西南北三面城外濠濠自西阬埠繞城而東出善嘉橋始廻折逆流而轉注至元妙觀出江形家謂之玉帶水承平日久不復疏濬舊制久廢咸豐六七年粵匪踞城統領劉長佑蕭啟江田興恕連營環攻由大江自西阬埠繞南西北三面至蘆洲復入江開設長濠深數丈許寬一丈有奇引江水周流灌注今其迹尙存

公署

上諭亭舊在府前關帝廟右長四丈五尺橫廣三丈久圯道光二十七年邑人聶徽猷捐貲恭建在府經歷署左咸豐七年兵燬十年其子文愷重修

府署在縣治左詳府志

縣署南唐昇元二年升蕭灘鎮爲縣始建署在富壽岡之陽宋淳化三年以清江縣置臨江軍徙建縣治於城東元遷郡治左明洪武十年遷郡治右天順六年知縣

葉淇遵制增修宏治三年知縣李璵重葺地直深四十

五丈橫濶二十丈其制前為聽事正堂嘉靖二十七年

知縣沈淮題額曰親民崇正間知縣秦鏞重修吉水劉

同升記記曰若水秦公治清江者五年矣學道愛人有

過也初公蒞清江見其堂曰親民公曰前人進我矣吾

之治清江如是而已矣於是潔己奉公飲清江之水遞

惠泉而品之曰吾不求人知求無愧此堂以信吾清夜

可矣迺於整暇之日葺其堂而新之考其興廢之故則

堂之有顏自沈公淮始先是府學堂額為文信國公所

書初書明倫誤衍一筆因書明德此親民所由命也余

讀石經細繹親民之義覺古聖賢立言與後儒微有不

同何也親則賢愚一視如父母之於羣子賢固甚愛不

賢亦未嘗不愛也蓋督責所加但有憐憫終無憎惡民

之於君子亦如子事父拊循儆戒皆出天性未嘗作二

觀也若新則革其舊習與之更始賢知愚不肖分別心

生矣天下之大求其人人一新必不得之數也夫求新

清江縣志

卷之三

公署

五

則近於鑿親則渾然一體惟天地萬物父母並生並育
各不相害元后作民父母何見有作好作惡之王道哉
故曰道之以德齊之以禮先教養而後政刑如春風著
物而物不自知也舍此則刑名之漸起矣秦公家學淵
源以身教清江古人閉閣思過以止爭訟此道於公僅
見耳蓋公早失庭訓奉節母之教惟謹至性孝友父母
諱日素服涕泣族人感之以公為士行士則其重於宗
族鄉黨如此清江故割高安新淦新喻之都鄙風氣難
齊皆奉公畫一又四達之衢疲且重瘠公才游刃而壹
鎖以廉靜居身端方言笑不苟其經濟本於學問非偶
然已也當催科嚴急之時公獨能以寬行之不失撫字
之意其他救荒築隄均馬政恤農事除劇盜諸善政不
一率皆本乎親之之意而又本乎親其親以親民之意
故有本末可觀當事聞之咸曰愛民無過清江者夫治
邑者誰不欲親民有其心而無其術民亦不得親惟本
明德以平天下則暢於四肢發於事業從好之民信其
衾影又何憂乎不新余與公以聖賢之學交相勉焉滿
良又緒餘耳公貽書余云願得一言以為來者勸使清
人更數百年上下相親如一日庶斯堂之不朽也嗚呼
亦可以觀公之用心矣公名鏞無錫人與同升成了丑

進士

國朝乾隆二十九年知縣德隆榜以畏天勤民三十六年知縣汪志仁重加修飾榜曰勿怠若事正堂左舊爲典史贊政廳又左爲縣丞分署右爲縣庫再右爲舊主簿署今爲典史廨又右爲黃冊庫爲下程亭正堂前爲甬道中立戒石亭勒戒詞曰爾俸爾祿民膏民脂下民易虐上天難欺十六字左右爲吏書廊房十二間知縣汪志仁捐修又前爲儀門明嘉靖四十二年知縣廖文光建乾隆二十九年知縣德隆重新之其前左舊爲迎賓館右爲土地祠又右爲監獄中爲大門道光三年知縣

清江縣志

卷之三

公署

六

張湄重修門外屏牆舊稍逼知縣德隆展前二丈許東西壘甃門二東曰強教西曰悅安乾隆六十年知縣鄭國棟改爲木坊東曰化行西曰俗美今俱廢由正堂入宅門爲後堂明宏治七年知縣萬琛重建榜曰存心嘉靖十三年知縣朱元誥改建後堂爲軒德隆重葺之額以退思補過由後堂入廨舍凡三進各三楹額曰紉蘭左右翼以書屋汪志仁捐葺西爲夕佳園亭一舊曰兼遂亭久圯按宏治郡志縣治內有清江道院堂一道分明樓清江碧嶂亭又西廊廡後有吏舍二所亦皆圯乾隆四十五年鄧廷輯改建內宅道光三年張湄重加修

葺咸豐七年兵燬僅存大堂數楹十年知縣王惠寶攤款重建如舊制

縣丞署在縣治左地直深十二丈橫濶七丈其制正門一重三間大堂一重三間內堂一重五間內宅三間客廳三間廂房三間門房及廚房各一間咸豐七年燬於兵

主簿署舊在縣治右主簿缺裁署廢

典史署舊在縣治左署壞遷建主簿署故址在今縣治右地直深十二丈廣七丈其制大門一重大堂一重三間內堂一重五間內宅三間客廳三間門房及廚房各

清江縣志

卷之三

公署

七

一間咸豐七年燬於兵

驛丞署舊在萬勝門外明萬厯間遷建廣濟門外驛名蕭灘丞缺奉裁署廢

巡檢署在清江鎮明洪武三年巡檢張天麟建

國朝乾隆三十一年缺裁署廢

提督學政署舊在郡治前東街察院署之左康熙四十年知縣屈有信重修二十二年湖西分守道奉裁四十二年知府高毓麒知縣甯堯采改郡治前東街舊署爲關帝廟而葺分守道署建號舍以爲試院在天甯寺右大門內有柏二株大數圍葉下垂如纓絡分峙甬道旁數

百年物也乾隆三十八年知府李昌昱重修學使汪廷

璵記記曰臨江試院歲久弗葺乾隆己丑太守李侯新

事至臨顧而樂之曰美哉李侯之能以文教治其郡也

按試院舊為分守湖西道官廨後奉裁去遂因為學使

者校士之所康熙初宣城施愚山先生守道時振興風

俗導行禮讓復以詩古文辭教授郡人士皆知讀書自

愛故臨至今稱易治方今

天子神聖德教洋溢海內文運駸駸日上歲戊子

詔修成均又

命儒臣編纂大學志今年春舉

臨雍之典畿輔之士咸得觀光日下被服觀聽親見

上之所以右文勸學而江國諸生延跂於數千里外由江國

推之四海之內聞風興起為何如也夫導宣上意學臣

之職也而誘掖獎勸使之漸摩而有成者又賢守臣之

責也余進臨之士而試之雖離彬彬粹然儒者及闕其

文其上者精純其次者恪守繩墨雖工力不齊而怪僻

浮囂之習無有焉乃益歎愚山先生之澤弗衰而今日

李侯造士之力為多也昔文翁治蜀能尚文教民皆化

清江縣志

卷之三

公署

八

之故文章之盛遂甲天下則夫繼愚山先生之後以奉

聖天子作養人材之意而造就臨之士者余與李侯有責焉

擢守臨江浙江嘉慶十一年知縣方宗敬倡合四邑增建號

舍編為知仁聖義忠和六棚並建讀書臺以為督學查

棚坐所兼存盧肇讀書舊蹟學使曹振鏞知府何裕均

並有記道光八年聶宗周捐貲修葺大堂並堂後廨宇

墻垣督學吳孝銘有記二十九年督學張芾改號舍為

康樂和親安平六棚咸豐七年粵寇拆廢雙柏亦燬咸

豐九年仿舊制重建

〔察院行臺〕在郡治左今改建漕倉

湖西分守道署卽天甯寺右學使署明嘉靖四十一年移布政司叅政一員駐劄臨江江陵陳大賓至撤舊分巡道署更新之崇正十二年移駐袁州所司爲行署國朝仍改駐臨江康熙元年叅議施閏章增葺立湖西道題名碑自爲記又於署建亭曰就亭樓曰愚樓諸名人題咏並詳蕭江唱和集康熙初裁湖西巡道自是守道往來駐臨吉二郡各半載六年守道奉裁十四年復設二十二年又奉裁今爲學使試院

湖西分巡道行署在天甯寺左康熙二年奉裁改爲城守營旋廢

都闕府署在南門忠烈廟右乾隆三十三年建卽舊育嬰堂基址直深約十餘丈寬約七八丈其制前爲屏牆東西設木坊二東曰壯猷西曰宣烈頭門外左右爲鼓樓內爲儀門又內爲大堂後爲內宅右側有甬道爲平時習射之所咸豐七年燬於兵

察盤公署在縣治西馬鞍嶺南已廢

西水公館在城北三十里已廢

太平公館在城南三十里

銅鑼江公館在城東南隔江十里久廢

洛橋館在城東隔江十里久廢

荷湖館在城東北二十里久廢

接官廳在城東南渡江五里明嘉靖十五年知府徐勳知縣高晉建已廢

遞運所有二一在清波門外明洪武五年同知韋潤建舊設水夫一百二名已廢一在永泰市亦廢

司獄司在府前街右司左旁爲府獄府獄後爲縣獄獄後西臨牢背街獄左有巷曰牢巷前出府前街石坊下對師姑巷口後出牢背街巷口有小祠曰衍慶康熙初司獄缺裁府獄廢以縣獄歸典史經營遷縣治右今司獄司署改建龍神廟而府獄基久爲民間侵佔蓋造屋

清江縣志

卷之三

公署

十

舍晨轉私鬻獄北牢巷亦失其縣獄舊基亦漸爲民圍築乾隆四十五年知縣鄧廷輯清查官地以府獄基民佔已久不忍深究祇清出縣獄舊基自南至北長十五丈有五尺自東至西廣十丈有五尺西臨牢背街其東一道官墻尙存今亦圯

稅課司在府前街右明初建萬厯間稅課大使裁司廢後改建爲練公祠咸豐七年燬於兵

稅課局舊在清江鎮明洪武三年大使陳方秀建久廢陰陽學在郡治前左街已廢

醫學在郡治前左街亦廢

僧綱司明時在天甯寺今無定所

道紀司明時在元妙觀今無定所

惠民藥局在郡治前久廢

弓張局在郡治前亦廢

養濟院舊在東門外蕭灘驛左後移城東即古旗纛廟

基咸豐七年燬同治八年重建

育嬰堂在南門街乾隆二十五年郡守婁廷彥重葺尋

廢道光三年巡撫程含章郡守經額布知縣張湄捐廉

契買富壽岡民房一所將建育嬰堂未果其地尙存今

樟鎮中洲西鄉南鄉有存嬰社各籌費散給俱未建堂

普濟堂在郡治後街乾隆三十五年郡守李昌昱奉

恩旨創建以恤孤老後遷褒忠祠旁咸豐七年燬於兵

漏澤園舊凡六處

南薰門外二廣濟門外二西成門外一朝天門外一乾隆四十

四年生員陸光洙呈捐己地入官為義塚

在西成門外名陸家園長

五十三丈廣二十三丈

咸豐八年訓導俞紹煥買陳拔選南關外

山一處為義塚同治八年又買彭加有北關外田二號

歲收租五石五斗為培修之費俱移縣存案

鄉約所舊有五所東約舊在元妙觀南約在天甯寺西

約在城隍廟北約在朝天宮中約在江東祠

倉儲附

漕倉二所一在府治左即按察舊署計廩八間康熙六十年

知縣石杰建一在樟樹鎮麻家巷計廩四間康熙初知縣屈有信建邑人熊僕記咸豐七年燬於兵

按熊僕便民漕倉記後附載倉屋二所一坐鎮之麻家巷出業生員黃楷黃楫受價二百兩一坐鎮之鄢公巷出業鎮人范光祖受價一百兩皆屈侯所裁清俸也

省倉在省會北德勝門外河泊巷舊計三十四廩康熙二年知縣張暎重建歲久僅存廩十四間而清江額徵漕米二萬六千餘石不敷收貯餽舟候兌差役押運者

清江縣志

卷之三

倉儲

十二

恒苦羈延乾隆四十三年知縣鄧廷輯詳請動撥道庫七分解存銀一千六百餘兩別購倉旁民地長一十四丈五尺廣三丈八尺擴建東西兩廩四十二間又建庖厨宴舍八間由是兌運以時公私兩便咸豐三年燬於兵

常平倉府縣二倉俱在東關內府額穀六千石乾隆三十年奉撥歸縣額穀一萬六千石連歸府穀共二萬二千石

社倉雍正八年知縣金廣培自捐養廉買穀一百石以爲倡率本年紳民共捐穀二百零五石乾隆九年知縣

邢文鐸勸捐穀一百二十石又前署縣楊宗政勸捐穀
四百三十七石五斗乾隆二十二年知縣沈廷標勸捐
穀二千二百三十五石六斗分歸八十四圖里甲長輪
值收貯舊建設社穀總倉十八處

本城總倉在東關常平倉側

一都總倉在黎墟東林寺旁

二都總倉在江邊墟金城寺旁

三都總倉在太平墟橫街

四都總倉在太平墟公館後

五都總倉在瑛璜墟二教祠旁

六都總倉在南關內張王廟後

七都總倉在翁柳廟旁

八都總倉在臨江府後

九都總倉在薛家渡

十都總倉在蛟湖墟

十一都總倉在潭埠墟

十二都總倉在樟樹鎮市背街

十三都總倉在洋湖墟

十四都總倉在蕩溪墟

十五都總倉在中洲隱仙寺旁

十六都總倉在店下墟勝華山旁

十七都總倉在永市

已上社倉十八處舊貯穀七千六百餘石每年存六
放四每石一斗起息以三升作費用七升作本咸豐
五年俱燬於兵穀悉無存

壇廟

社稷壇在治城朝天門外北向歲以春秋仲月戊日致
祭

風雲雷雨山川壇在城南門外歲以春秋仲月諏吉致
祭奉 郡城隍神合祭

先農壇在城西關外歲以仲春亥日致祭或以季春

郡厲壇舊在城廣濟門外後遷於西成門外三祭歲以

三月寒食節七月望日十月朔日迎 城隍主之

鄉社壇鄉厲壇各鄉崇祀不悉載

文廟各祠詳學校

文昌廟一在府學左詳府志一在縣學右詳學校

關帝廟在郡治左即舊提學署改建正殿祀 帝神主

後殿祀 帝先代兩廊官廳前牌坊咸豐七年兵燬同

治四年重建正殿並牌坊題曰武廟歲以春秋仲月及

五月旬有三日致祭陳設祭器行禮儀節俱遵典禮

府城隍廟在府治西詳府志

縣城隍廟在府城隍廟左每歲祭合祀 神祇壇咸豐

四年邑人聶徽猷建七年兵燬

順濟龍王廟歲以春秋致祭舊建在府前街咸豐七年

兵燬

旗纛廟歲以霜降日祭舊建在城東北久廢

褒忠祠在朝天門外祀宋死事知臨江軍陳元桂賜額

褒忠歲久廢明正德間提學李夢陽重修以來清江令

趙孟濟配享嘉靖七年知府錢琦復修益以死事宋知

軍鮑廉並祀焉都御史泰和歐陽鐸記之按察司副使

清江縣志

卷之三

壇廟

十五

邑人龔守愚亦有記

元記曰宋褒忠廟本專祀知軍陳公

趙公孟津配享閱歲滋久廟日以湮嘉靖戊子太守錢

君公良再為修復且以趙之死後陳十六年非所逮事

不當在配位復得知軍鮑公廉死事因為木主三增鮑

公左躋趙於右陳中處如故主皆南向廟則仍其舊額

屬守愚記之惟臨江古為兵衝不獨豫章之襟喉也黃

不守則輿國之烽通於筠潭不守則湖南之波及於袁

豫章筠袁失則無臨江建炎亡西之覆轍是已而宋人

會不之鑑迹三公之難何嘗不繇於是故始開慶亡未

忽必烈自黃濟江兀良哈反自廣圍潭臨江版築未畢

而徐敏子策應上流夏貴提兵援鄂我是以有陳公之

難及德祐乙亥伯顏亦自黃濟江呂師夔以九江降吳

益棄豫章遁我是以有鮑公之難至於德祐丙子阿里

海涯取潭湖南悉平袁州送欵而臨守膝巖瞻亦遁我

是以有趙公之難嗚呼柄臣嬉而覆諸朝孤臣憤而抗

諸野使賢人君子駢首就盡而遺民幾無噍類宋之不

亡於亡未可謂幸矣陳公之歿徐敏子聞於朝故郵典

有加以得入忠義傳及德祐時方講銜壁之禮制置使

黃萬石賣降恐後鮑趙二公遂以不揚向徵錢君誰則

知之耶嗚呼木棉庵之臭尙遺起輦谷之鬼已餒而三公忠精赫赫在帝左右茲廟之成騎麒麟下大荒而惠顧焉忠憤之氣庶幾其少紓乎雖然自靖自獻名之章晦不違恤也崇獎節義以風厲來哲於法令所不及者而冥力焉非行古人之道者安能與於此繼自今衣纓經遊停車展敬將必有慨然遠想惕然自懼未雨而徹桑土疾風而知勁革者矣知府鄭懋德手定祝文歲以斯舉也於名教豈小補哉

春二月秋九月望日致祭

國朝增祀元末義士劉天佑乾隆四十五年知縣鄧廷輯

詳請增祀明初死事同知趙天麟有詳定祀典議咸豐

七年兵燬

鄧志曰褒忠祠祀宋季陳鮑趙三公有碑記可考後增祀劉公天佑郭公裕共五神主但郭死事於棗陽與守土者異乾隆間知縣鄧廷輯請改祀郭於鄉賢而以趙公天麟增祀於義爲協查五忠合祀始於康

清江縣志

卷之三

壇廟

十六

熙二十七年知府喻成龍祠中有成龍題烈日嚴霜額邑人黎騫有記

昭忠祠在

關帝廟右廊嘉慶八年奉祀陣亡兵丁三

名鄒正魁清江人王中明新喻人樂平峽江人久廢

楚南昭忠祠在南關內府學宮後同治三年前直隸總

督劉長佑與江西巡撫劉坤一貴州布政使席寶田捐

貲修建中祀雲貴總督諡誠恪江忠義同時殉難者譚

文印劉鶴齡趙襄鄭立朝柳立中成瑞珍鄧輔文曾者

三李光文羅先達陳其珍曾興堂羅元甲陳鈞乾林巖

李晉黃承綱龍玉堂向鵬飛虞德乾高光政朱光鏡本

邑紳士鄒守愚余澈蕭泰安謝恩誥鄧從愈傅廷瑞龔

景梅亦祔祀焉歲以春秋仲月致祭

六賢祠舊祀二劉三孔為五賢堂教授宋翔增祀向子

諱為六賢祠久廢

宋胡銓六賢祠記

徽猷閣直學士致仕向公歸清江舊隱曰薌林飯蔬飲水徜徉田間常怪

佛老之廬突兀相望而學宮卑陋弗敵乃輟月廩積三百萬錢將創閣以度書於講堂之上且侈大其制以風學者未就而捐館其子右承議郎新通守蘄州澹始克卒公志宏規殊裁改一郡之觀於是伯仲相與謀曰是邦人物如劉氏兄弟時則有若侍讀原甫舍人貢甫孔氏兄弟時則有若舍人經甫侍郎常甫郎中毅甫皆一代偉人請圖其像於閣以模楷後學不亦可乎教授未君翔子飛與諸生聞而避之相與謀曰公作此閣繫名教是賴併繪公像以六五賢不亦善乎皆曰諾既繪事傷工則又相與謀曰是不可無紀乃千里走書衡陽請記於某而刪定方君疇耕道亦書見速其項位於朝嘗辱公之知且嘗撰杖於尚書晏公景初侍郎曾公天猷

清江縣志

卷之三

壇廟

十七

及李公似之聞二三丈緒論得公之為人頗悉矧此又盛德事其安得以固為辭曾子曰吾嘗聞大勇於夫子矣是勇也優游春容不動辭色而置天下於磐石之安忽焉遭之則富貴不能淫威武不能屈兕虎不能驚烏獲不能猛秦成不能軍北宮黝不能撻州綽不能搏賁育不能守狄彌不能軍北宮黝不能撻州綽不能搏賁育必有不恃勢而強不假怒而威不借兵而勝者矣方司馬公姦黨之碑立天下不敢言公獨以為不可方劉公器之居南都陳公瑩中居南康天下皆以為當然公獨以為非是方偽楚君圖天下陰拱而觀變公獨扶義而麾之挫虓虎而奪之氣豈非至大至剛如曾子之所聞於夫子者乎今天下皆亂而亡獨治在獨善者處之不害為太平天下皆治而已未治在任重者處之猶以為未至當睦寇作於東南非天下皆亂之時乎而危言危行奮不顧身可謂已獨治矣方持橐時朝廷清明內自宰相以及百執事若而人外自部使者以及守宰若而人雖不能皆賢然往往號一時選非天下皆治之時乎而以柱史一言力求去職豈不以己或未治而任重者固應爾耶初公之帥長沙也力屈城陷議者咎公以不死竊嘗語其故矣方敵人長驅江左席捲湖外公以

千百鳥合之衆戰百萬方張之兵守一城以捍一路蔽
邊湘南沮遏其勢荆廣之不亡公功爲多當是時所至
望風犁額獻城而圖存者不可以縷數受僞命仰守者
相環也舍此不議而以死節病公是大不可曉也故嘗
論天下有重可重而勤之此重不可理可得而我任之此重可也
形格勢禁而志不得於威陽傳寸檄搃僞楚如招放豚
而忠不信於柱史折箠以制強敵如驅羣羊而迹不容
於羣小以孤忠締萬乘如膠投漆而位不登於三公蓋
公之所可者理所可而其不可者理所不可也或曰子
之言似矣然是祠非古也且禮法施於民則祀之以死
勤事則祀之以勞定國則祀之能禦大災則祀之能捍
大患則祀之非此族也不在祀典是祀母乃不與乎其
日不然昔固有所謂鄉先生歿而可祭於社者又有所
謂有道有德者使教焉死則以爲樂祖祭於社者公
也與劉氏孔氏兄弟皆有功於名教與鄉先生孰多以
道德教人視樂祖孰優像而祀之獨不得與祭於社祭
於馨宗者比乎然以勞定國能捍大災公又何愧焉

薊林祠在文廟右觀德堂左今學宮地卽向子諱薊林

舊址朱子嘗過薊林講學故祠祀焉

朱子祠在府學後宋寶祐中建以張洽黃幹配後廢像

石碑刻移置府學兵燹後無存

宋翁甫朱文公祠堂記 中庸曰苟不至德至道不凝焉

開闢人文以至於我夫子皆盛德之至而斯道以凝者
也所謂爲天地立心爲生民立極爲往聖繼絕學爲萬
世開太平者實於是乎賴顏曾思與接續正統孟氏以
後則其傳泯矣末學爭長異端滋熾千四百年間冥冥
如夜道之幸存者人心秉彜不可泯耳安有至德爲之
宗主以覺夫人之天也哉天開我宋文明之運儷古極
盛而周子程子出焉先知先覺開我後人孟氏之傳久
絕而復續矣吾道之南篤生紫陽朱子丕闡濂雍之教
羽翼聖經息距邪說蓋極其鑽仰之勞磋磨之益而後
得之真我宋之夫子而大有功於濂雍者也夫惟有至
德而至道以凝此周程朱子所以無愧於孔孟之傳也
歟甫將指西江慨念紹興甲寅文公被召歸自長沙買

舟臨江賦詩過桂山謝公家德星會聚邦人繪爲圖以相誇詡今甲子一周矣臨江別乘大博黃君築文公之祠於廟之左廟古驛所樓圯不存君爲重屋復揭近江之扁以還舊觀祠成君與太守寺簿魏君率僚屬及諸生修舍菜之禮以勉齋黃先生嘗宰淦邑而主一張公亦師事文公邦之賢有德者脩食於祠誰不謂宜竊想一時人物之盛衣冠儼如珮履鏘如瑤席兮玉璫蕙蒸兮蘭藉竭虔妥靈多士駿奔有榮耀焉邦人亦必繪爲圖以誇盛事矣君以書來諗予爲記余謂文公之道大明於今祠宇幾徧天下况清江昔文公屢過而且止焉獨無祠以致尊仰意可謂闕典事昉於今歲有嘗祀其所以典起人心使知道在此而不在彼者夫豈小補是舊無廟多因舊驛而居史君旣新築館於其旁君遂葺而增廣之以庀司存凡百二十楹入窗玲瓏衆樞芳潔至於器用纖悉亦備其不私於己如此後人可以便安矣所賴以相與扶植斯文爲心祠有未備者備之教有未宏者宏之德有所未至道有所未凝至之凝之是又君今日建祠立像之意不無望於後之君子君名洪字可大建之浦城人學文公之學者也寶祐二年歲在甲

清江縣志

卷之三

壇廟

十九

寅八月
初吉

文相國祠即仰德祠在府學右明撫虔都御史謝杰建中爲明德堂祀信國公以明訓導謝廷袞從祀有祭田歲以春秋仲月丁日祭祠久廢

明謝杰文丞相祠堂記

嘉靖庚子先少卿以歲薦謁選

覺而異焉曰斯其遐陬下邑乎胡陋甚乃爾比放榜固臨庠也臨名郡當不至是意夢且不驗及抵任堂之額曰明德則夢無明倫之符也蓋是額爲宋信國公文丞相所書後人重之不易而數之前定似非偶然者先少卿繇之視躬筋度却贊周貧勤以課土工以屬文率鑿茲明德期無愧於此堂杰不佞以孩提侍左右憶其概如此嗣後因之稍稍習聞信國公死宋事甚具與其詩有的人生自古誰無死留取丹心照汗青之句是時赤子腹笥中未有一古人而先知有信國齒頰間未有一古人詩而先知有過零丁洋者先少卿之教也先少卿又

嘗言臨既堂明德可無祠信國公第恨余力綿徒寄余
臆耳小子識之杰曰唯唯居五年臨司訓最擢諭珠玉
以去尋復挂冠東歸不與聞臨事者幾五十載先少卿
且謝人間世二紀矣庠之遷乎堂之去明德仍明倫乎
署之鞠茂草乎無論先少卿不知不佞亦不盡知也頃
近以章貢節過臨詢之諸故老始盡得其圯廢狀有不
勝麥秀黍離之悲者乃明德之額巋然獨存豈神物者
護之與秉彜好德人心所同有不忍終棄者在也不佞
因謀割俸廩祠之以成先志於是臨諸君子參藩觀察
而次迨於二千石六百石諸文學薦紳賢良章縫之彥
靡不欣然樂助計不佞所割僅什之三諸所助更什而
七焉以其八葺祠如千楹為栖神之殿以其二斥田如
千畝為享薦之需不數月祠行告成按圖則外為門門
曰仰德中為堂堂即明德而信國公之至在焉後地湫
隘不容車規涉不稱衆患之會先少卿故所賑貧生楊
氏庭者弟京四有隙地聞之曰恩人也敬輸以獻又鄉
進士黃君壘以累世通家誼亦樂捐屋西餘基十餘丈
遂得展拓又如干楹併先少卿祠焉役竣僉問言於不
佞不佞無所辭役言曰夫明德者非大學聖經之旨乎
固人心之炯然不昧者也而其要莫大於忠孝傳曰為

清江縣志

卷之三

壇廟

二十

人臣止於敬為人子止於孝示德之目也又曰孝者所
以事君示德之貫也知其目又知其貫夫然後炯然不
昧者可以常有而稱之曰明信國公危身急公破家殉
國委蛇就義出萬死以完其貞厥忠盛矣間讀六歌千
載令人歛歔欲絕述若疑於非孝者不知忠之與孝同
條共貫猶之人倫天道然無二致也惟睢陽為能一天
人惟信國為能一忠孝皆其天秉殊絕妙契道真故獨
見其大者若是則臨庠所以堂明德之旨也觀諸日月
懸象著明高照萬古交必黃道經必黑齒入必柜格長
留之閒文明所屆億有六千里者固日月也而半暈重
輪纖悉畢燭虛而生白隙而容光亦孰非日月也哉信
國之節振古為烈信國之神所在通祠雖賈豎婦孺靡
不知有文丞相者明明厥德是為日月而已矣臨庠一
隅或亦德之餘輝生白容光乎堂之者神留祠之者義
起彼都人士顧瞻廟貌孰無高山景行之思思則慕慕
則法祛其有己之思堅其勿欺之念忠移之孝圖自靖
自獻於天子之庭則德之明也於是為大雖謂人人而
信國焉可也是舉也先少卿之志諸君子之義足稱惟
德知德惟忠知忠大有光於名教而杰也陋無與比數
然得藉手以少追於不孝之誓是亦聖經之遺則也已

先少卿謝氏諱廷袞閩之長樂人官終瓊山縣教諭以杰貳光祿時贈故稱少卿參藩鄭氏名時章漳之龍溪人觀察袁氏名年蘇之吳縣人郡守高氏名從禮浙之仁和人清江尹龍氏名起雷綏甯人臨庠掌教吳氏名萬全侯官人清江諭吳績浮梁人咸與有賢勞例得書祀田祭器另紀之碑陰萬曆甲午季夏日

劉公祠一在朝天門外一在朝天門內明萬曆間重修知縣龍起雷記

國朝道光間復修咸豐七年燬一在杜塘墟俱祀元義士

劉天佑事詳人物志

練公祠舊在城東北蕪林書院左久廢明知縣梁士濟改建府治東縣令王心純創明宗書院於南門移祀公歲以二仲祭為新練公祠後復建在府前大街咸豐七

清江縣志

卷之三

壇廟

二十一

年兵燬

明梁士濟重修練中丞祠記 高皇帝御極十有八載初

大夫於廷而策之於是臨陽練先生以對策剴直得及第第二人卒輔少主糜其宗以殉當先生之射策大廷也極言朝廷用人以小善而遠進以小惡而遠戮因其道古所為教養法此豈有意曲學阿世効平津之詭隨哉非豁達大度之聖人何能嘉納而拔諸儔伍也迨其輔少主守成忠謀入告多秘弗可考然王師飛渡金川不守先生固曰謀國之臣實尸其咎矣當是時藩封大重諸雄藩皆帝叔父建國之始不施其親曾有今日降霍叔明日蔡蔡叔直為此廩廩而計安宗社者且至父偃儉士也夔賈大傳推恩之策則社稷以安方黃名儒也祖晁家令刻削之謀而傾覆還至先生參謀帷幄請誅一李景隆不聽謀人之軍師敗則死之先生無愧矣雖然天將與之誰能違之文皇兆叶大橫祥膺壓紐即力學慕古有至忠謹如先生經高皇之神識授擢如先生而謀之無成事之多敗先生其如天何先生嘗語金學生而謀之無成事之多敗先生其如天何先生嘗語金學士曰子異日必為良臣我當為忠臣其自處審矣今

去先生之歿二百餘年矣令當日效長樂老子之癡頑何至殞其宗黨百餘人然即如長樂老子之癡頑即不殞其宗黨百餘人到於今骨肉髮齒又安能不蕩為飛塵散為冷灰也此百餘人者又豈能仗先生之倖免而至今不為塵飛灰令也死則死耳先生死而天地之浩氣長存世道之綱維不墜此百四十一人者且至今猶有生氣是先生反獨伸也故先生獨謀國之無成耳而謀身則未敗也天但困先生於謀國耳未嘗屈先生於謀身也余所訝者文皇他日有言子甯尚在國當用之夫以高皇之神聖廣大而親擢先生期大用先生以文皇之天授雄哲而異日更欲用先生是先生經兩大聖之識鑒卓然為世用才彰彰矣乃寄心齊於草除則弗效何也蓋臣子勲名德業總是君父所成好古質直如先生得大聖人為之治騎則經緯悉入神謨而不然者以摹古之學當仁柔之聽則臣主俱故獨以節烈顯然則先生者遇聖主則為良臣遇弱主則為忠臣者也慎毋以先生之節而掩先生之才也叩馬也不病武王之聖射鉤也不仇仲父之賢以先生百世祀其可也臨陽故有祠屏處城隅以春秋俎豆先生而數椽湫隘坦塲級夷牧豎嘯其中弗稱崇獎忠義典爰更諸冠蓋

之所鞅輪蹄之所集者以彰明風教而輪奐炳焉其教護屬功則邑幕李而棠之拮据也

施侯祠在府前平理坊師姑巷久廢

戴公祠在清江鎮祀明知府戴德孺正德間平華林賊

從王守仁討宸濠故民為之立祠久廢

馬公祠在城東祀明知府馬文學久廢

楊忠節公祠在西關內蕭江書院之左同治六年知縣

李寅清馮械捐廉及闔邑捐貲修建中祀

國朝賜諡忠節明東閣大學士楊廷麟清江從難者明行

取禮科給事中龔善選監軍僉事楊廷鴻兵部主事鄒

瑄職方主事黃介申監紀通判黃尚寶會應文副將楊

定邦閣標都司傅鵬郡庠吳璧邑庠楊廷坤耐祀焉
兼山公舊祠在城東祀明東閣大學士楊廷麟祠即公
故宅也中更數主合邑紳士釀金取贖因立祠以祀公
內有忠厚正直之臣額乃莊烈帝玉音

國朝王士正

寄題清江楊先生祠詩

清江襟帶古祠堂祠外山高一水長夜靜

魚龍尚悲嘯歲寒松柏自蒼綠巾諸葛真名士楚些三閭弔國殤秋菊春蘭竟終古雲車風馬日飛揚

勤慤公祠在縣東崇學鄉上湖祀宮保尚書楊錫紱

江東廟在富壽岡元延祐初萬戶楊仲明領兵討蔡五
九兵次蕭灘一夕忽聞兵甲聲驚問左右皆駭不能對
彷彿聞空中語曰江東神也於是所向克捷還立廟祀

清江縣志

卷之三

廟

二十三

之咸豐七年兵燬

雷廟在縣北白牛岡明嘉靖二十三年通判金本陶署
府事禱雨立應符錫等詩紀其事立碑祠中咸豐七年
燬其基尚存

東嶽行宮在縣西城外宋嘉定中建郡人徐得之記明
宣德間重修張徹記咸豐七年燬

聶公廟在清江鎮宋慶元中建公名友丹陽太守嘗逐
鹿至鎮射樟樹滅妖歿而神威有赫邑人立廟祀之

國朝嘉慶三年鎮商復加修葺規制增擴咸豐七年兵燬
同治七年重建

明轟璜重修轟侯廟碑記

侯轟姓諱友字文悌南昌人

鹿至淦陽封谿矢集大樟乃伐而後之怪息江翁人利於涉而祠之遂名其地曰樟樹鎮一名鹿渚云侯自少文武兼資髭髯修美虞翻與語奇之以書薦於豫章太守謝斐斐以為功曹因至京謁大傳諸葛恪禮侯為上賓封將軍命伐儋耳有功歸授以丹陽太守惠政名於時恪以兵勝魏復欲逞北伐侯以書力諫恪不從後果無功已而侍中孫峻忌侯功畧因譖於恪而禍之欲謀移之鬱林侯聞忿發資志以歿時三十三也鎮人遂祀而報之呼為轟公廟云至宋季乃神威孔彰凡里中雨燠之控瘁疾之呼隨應而響且在李遠軍中潛啟默翼助順剔辟變幻不已屢獲救命錫以廟額嗟夫侯之功懋著於吳侯之神始顯於宋或者竊有疑焉殊不知樊將軍漢人也而顯於唐李中郎唐人也而顯於梁要之天地純剛正大之氣鍾於人而不克伸於時則其積之必附草木以為天喬附霜露以為肅殺者矣是宜侯之神若是其久且大也夫先王之制祭祀也有功於民則祀之以死勤民則祀之以勞定國則祀之能禦大災則

清江縣志

卷之三

壇廟

二十四

祀之能捍大患則祀之此數者侯皆有焉是故宜侯之血食茲土若是其悠且久也易曰王假有廟故漢高入關之初乃作祖廟宋儒謂其知萃渙之義侯於璜為始祖璜家譜牒尊侯為首稱茲紀侯之願末於廟是亦竊附遺意且以彰甯君恒載等葺祠永盛之意以識歲月不忘耳若夫存世之功歿世之靈先後諸碑之刻已悉璜何敢贅廟工始於嘉靖甲午而成於嘉靖庚子今惟刻石以紀云嘉靖壬寅仲秋

國朝朱葵尊封溪轟侯廟詩

返照封溪上停撓思惘然地傳自鹿渚人記赤鳥年簫鼓

迎神曲帆檣送客船誰令戎馬日萬里人南天

晏公廟在清江鎮瀕江明洪武間建郡人轟鉉記一統

志云晏公名戊仔本鎮人元初為文錦局堂長因病歸

登舟尸解人以為神立廟祀之有靈江湖間永樂中封

平浪侯今訛為鄆公廟

蕭公廟在清江鎮西南祀英佑侯蕭天任嘉慶二十三年鎮商重加修葺規制宏敞知府朱淥有記

許真君廟一在縣治南楊家山咸豐七年兵燬一在清江鎮亦燬於兵同治八年重建一在永泰市乾隆五十七年建

藥王廟一在縣治南楊家山咸豐七年燬一在清江鎮岳忠武王廟在永泰市乾隆五十七年建

學校

府學宮在文明門內詳府志

縣學宮清江先聖廟宋初舊址失其處隆慶府志云在

郡學南非今府學也宋淳化三年立臨江軍其時清江先有廟學矣逮軍學建而縣學附其右軍學瀕江面東故在其南嘉定初知縣張華國始別建於城東皇華驛西淳祐間知縣吳應酉王琮相繼增修開慶元年八月蒙古兵陷臨江軍學校燬景定元年知縣王洪若重建元至正八年縣尹張悅遂修十二年寇燬明洪武四年知縣陳靜教諭張九韶修宣德三年知縣駱謙教諭汪賓重修新淦張徹記景泰間知縣唐昌教諭貝駒訓導邢寬錢英立科甲題名碑泰和王直記天順元年邑人談子傑以其地之密邇膳堂者捐入學由是學地稍擴

七年知縣葉淇購材重修以憂去知府陳浩縣丞蕭韶
等成之成化三年竣工華亭錢溥有記二十二年知府
沈燦知縣李聰訓導姚璣清復侵地殿堂門廡悉撤而
新之燦自爲記宏治間知府尚縉吳敘相繼增修正德
六年華林寇燬七年知府熊希古知縣陳律重建大成
殿知縣王泰繼成之邑人黃繡記嘉靖元年知府徐問
知縣王宇重建尊經閣改建明倫堂問自爲記記曰六
經者道
之文乎道不變經不得而絕也降自春秋王迹熄虞夏
商周之文繁亂孔子懼而修明之載經秦火典籍幾盡
然而伏生口授魯壁復出古文蝌蚪雖少磨滅附會於
漢之諸儒要其大經大法卒顯明於世嗚呼此天地人
文可得而滅絕耶嗣是或兵興偏安之國猶知所重我
朝益隆表章自秘府之藏達於國都郡縣學皆有閣閣

清江縣志

卷之三

學校

二十六

制皆宏傑欲經居高明以達溼壤其尊經也摯矣正德
辛未清江舊學燬於寇閣廢前郡守熊君希古始建王
宮通府陳君元憲相協厥材無何皆以遷去故尹王君
泰白繼守戴君德孺請於中丞孫公燧從之出公帑若
千緡以鳩工事委邑丞黃彥肅而司訓周綱則遴任而
董成者也逆藩變起工弗績辛巳余來病乃非度仍付
王尹宇庀而益其材初建尊經閣易明倫堂門廡齋舍
庖廩繼作成有次壬午秋七月告成一時師生皆彬彬
爭自濯磨又當天子出震改元爲茲閣一新之會記之
書時也雖然經民彝也聖人作君師緣之以敷治立教
諸生日踵其閣口其書優柔以會於心取而規諸事無
咎其則居爲孝弟出爲忠良退而以其行與義薰於鄉
以嫩善其俗則於六經可謂一十年署縣事經歷陳時
日千古也噫豈特尊之而已哉

芳建敬一亭於明倫堂右啟聖祠於禮殿東四十一年
分守湖西參政陳大賓以廟門逼城闔下知縣廖文光
議因市民地廣之重新大成殿戟門廟前明倫堂各遞

進數丈堂前爲齋二左曰日新右曰時習堂後爲觀頤
堂最後爲尊經閣左啟聖祠又左敬一亭右景賢祠祀
朱子像尊經閣前爲教諭署明倫堂左右爲訓導署廟
門右爲儒學門前左育賢門執簡門前右禮門直出縣
學坊適文光遷秩去四十四年知縣王圻繼成之浚泮
池增號舍十六間邑人楊標有記圻又虔置祭器立科
甲題名碑自爲記萬曆十六年知縣劉養志建文昌閣
於廟門左三十七年知府黃琮以蕭灘驛館蔽障學宮
遷之東門外四十二年知縣李茂英重建文昌閣遷啟
聖祠正位居中尊經閣左名宦祠右鄉賢祠南昌劉一
遺

國朝順治八年知縣洪其清重建文廟邑人錢天心有記
康熙四年分守叅議施閏章知府王撫民知縣屈有信
修建啟聖名宦鄉賢諸祠雍正六年知縣金廣培奉文
建忠義孝悌祠節孝祠自順治以來雖學宮重建歷有
增葺而規制尙卑儼大成殿未設層甍反宇崇不逮二
尋兩廡檐去地僅七八尺學門寄棖闌於城堞殿右惟

教諭署訓導則僦居民舍乾隆十八年訓導喻綱始於
明倫堂後葺數楹爲署二十四年訓導周秉衡復建齋
舍於署左而右置庖室文廟門廡亦加補葺顧地勢窪
下春夏雨潦恒滙浸學門內外二十八年本邑楊官保
錫紱題疏捐俸自淮院致書當事倡議改遷時知縣沈
廷標遍視城中地以東北境百花洲爲最勝事未集而
止三十五年知府李昌昱率知縣廣福教諭李泓訓導
周暄集邑士議遷學相基與前議合其地卽宋向子諲
薌林遺址後轉爲民業因重直購之自文廟崇聖諸祠
堂廡齋舍次第興作中爲大成殿其崇五尋袤廣俱七

尋有四尺兩楹設鐘磬簾業前爲月臺環以石檻又前
爲丹陛俱甃以石爲甬道東西兩廡各八楹前爲大成
門凡六楹又前爲櫺星門爲石坊額曰宮牆萬仞左門
曰德配天地右門曰道冠古今繚以黼牆東西爲二門
左曰禮門通明倫堂右曰義路通射圃其學坊石柱爲
明舉人曾遷程達龔如卿熊士彥賓興坊之遺兩大石
狻猊則明進士錢應華恩慶坊舊物俱其後人捐助入
學者也閱三年功竣督學曹文植記

記曰清江爲臨江
郡首邑宋時有向

子諲者宏才峻節爲一代名臣朱子集中有過薌林詩
卽向公故居也蓋朱子與向公仲子活學同師友故嘗
遊歷其地觸景攄情每戀戀不忍別去而一時若劉靜
春兄弟彭忠肅張文憲諸人又皆師友朱子羣以薌林

為講學地用是地最有名子按試至臨江欲訪其地則
清江之學宮正移建於此恢宏高爽赫然一新予既喜
相地之善與名勝為宜而又以知今郡守李君之大
功於學校也先是清江故有學在郡城東偏處城垣下
倚青賢門城樓為文昌閣規制湫隘不稱不備凡二
五十餘年未有能徙而新之者前漕督楊勤愨公屢
厥議而守士官不任其事輒中止今李君毅然起而
之而勤愨之子農部君遂承先人之志首輸五百
一邑勸於是應之者踴躍贊襄如恐不及而李君乃
藉手以底於成又適得先賢游息之故居以寓繼往
來之意殆歐陽文忠所云盛美之事須其久而後至
大備者不信然與予又嘗讀南豐曾氏宜黃學記謂
黃之學作於廢學數年之後惟其令之一倡而四境
內響應以是為人情樂學之徵夫已廢而作如瘖者
思語蹙者之思立其樂之也固宜至於學未嘗廢俎
之器具在也章縫絃誦之聲未嘗一日輟也則修葺
補苴之或稍拓大之亦可謂盡心於學校者矣若夫
數百年已定之基兩朝來所欲行而未克勝任之舉
竟舍其舊而新是圖而亦本於人情之所甚樂而並
喜功好事之嫌此固足見吾李君教化之美而亦向
學校

清江縣志

卷之三

學校

二十九

與朱子之流風餘韻有以鼓舞於不自知也清江山水
之秀毓為偉人向公而後豈更無如向公者蔚然而興
挺然而傑出者乎予知諸生講肄其中將必有感於
林之名而競爽前賢以不負李君建學之意則予之言
雖遠不逮歐曾諸學記昌昱亦有記邑編修楊壽楠有
而亦庶幾為不溢美云
遷學成功頌并序俱勒石序曰四明李公守臨江之三
洲再踰歲告成先是學麗城垣地窪以偏體式卑隘數
議改卜舉而輒止迨請於公公親相度既得卜詢謀僉
協令於邑中無遠無邇聞而歡欣咸率私錢後先來助
乃獨日筮事慎簡邑士俾董其役位置崇深躬為指畫
暨興作則時臨省闕無間寒暑禮殿齋舍戟門贊墻以
次備具制度恢闔嚴翼凡來觀者瞻仰感歎誦公
功德公惠澤在人於士尤深禮愛獎進栽培惇復不倦
而蒞事公明操行廉潔實心實政莫可殫述至清江縣
學欲遷弗克者且數十年維公舉之而浮議罔牽吏胥
無所覲民不擾而功成其嘉惠於清江尤遠且大昔洋
官之作國人頌之楠以邑人備員史館敢抒述羣情作
為頌辭八章用勒諸石以誌厥美以垂無極其一云於

懿泮宮得地斯崇維昔之日偏處城墉維今之日秩秩其隆伊何云隆實維李公其二云明明李公休休令聞志伊學顏甲科早奮

帝曰咨汝其遂典郡維此臨江俾與文運其三云明明李公誕敷文德維士之則教之誨之斯游斯息登之聖域多士蒸蒸新學肇興其四云維舊有學實下且促先民有言亦云改卜孰克舉行是用不成公曰遷止烝我髦士其五云陟彼崇邱維百花洲蒨林舊壑紫陽所游卜云其吉爰契我謀公來度止迺疆迺理其六云修之平之地獻其靈經之營之工趨其程禮殿孔奕鬻舍孔廓有窠有籜或樓或聖其七云泮宮聿新俎豆聿陳多士聿臻奮興振振藹藹吉人會合風雲維公所陶甄綿於千春其八云陶甄及矣浹四邑矣惟首邑矣尤深大矣公德深入公功永立頌公之功百世孺宗乾隆五十八年廟漸傾圯知縣鄭國棟重修嘉慶十年訓導舒衷復加修葺開泮池咸豐七年兵燬十年知縣馮棫集邑紳重建始復舊觀每歲春秋仲月上丁行釋奠禮所

清江縣志

卷之三

學校

三十

有祭器祭品樂器舞器樂歌佾舞祝辭及行禮儀節俱遵典禮不具載

大成殿中楣恭懸

聖祖仁皇帝御書萬世師表

世宗憲皇帝御書生民未有

高宗純皇帝御書與天地參

仁宗睿皇帝御書聖集大成

宣宗成皇帝御書聖協時中

文宗顯皇帝御書德齊疇載

皇上御書聖神天縱

神位坐次正中祀

至聖先師孔子

南向

東配

復聖顏子

述聖子思子

西向

西配

宗聖曾子

亞聖孟子

東向

東哲

先賢閔子

冉子

端木子

仲子

卜子

有子

西哲

清江縣志

卷之三

學校

三十一

先賢冉子

宰子

冉子

言子

顓孫子

朱子

東廡

先賢公孫僑

林放

原憲

南宮适

商瞿

漆雕開

司馬耕

梁鱸

冉孺

伯虔

冉季

漆雕徒父

漆雕哆

公西赤

任不齊

公良孺

公肩定

鄒單

罕父黑

榮旂

左人郢

公孫丑 張載 程頤 共三十九位

東廡

先儒公羊高 伏勝 毛亨

孔安國 后蒼 鄭康成

范甯 陸贄 范仲淹

歐陽修 司馬光 謝良佐

羅從彥 李綱 張栻

陸九淵 陳淳 真德秀

何基 文天祥 趙復

金履祥 陳澧 方孝孺

清江縣志 卷之三

學校 三十三

薛暄 胡居仁 羅欽順

呂柟 劉宗周 孫奇逢

陸隴其 共三十一位

西廡

先儒穀梁赤 高堂生 董仲舒

毛萇 杜子春 諸葛亮

王通 韓愈 胡瑗

韓琦 楊時 尹焞

胡安國 李侗 呂祖謙

袁燮 黃幹 蔡沈

魏了翁

王柏

陸秀夫

許衡

吳澄

許謙

曹端

陳獻章

蔡清

王守仁

呂坤

黃道周

湯斌

共三十一位

崇聖祠原名啟聖祠

國朝雍正元年

詔封孔子先世王爵合祀五代始更今名祠凡四楹前為陛向

建在

大成殿後稍右嘉慶十八年知縣黃駿改建居中咸豐七

清江縣志

卷之三

學校

三十四

年兵燬十年知縣馮械重建歲以春秋二仲上丁日致

祭俱遵典禮中祀

肇聖王木金父公

正中南向

裕聖王祈父公

東一室南向

詒聖王防叔公

西一室南向

昌聖王伯夏公

東二室南向

啟聖王叔梁公

西二室南向

東配

先賢孔氏孟皮

顏氏

名無錄

孔氏

名鯉

西配

先賢曾氏 名哲

孟孫氏 名激

東從祀

先儒周氏

名輔成

程氏

名珦

蔡氏

名元定

西從祀

先儒張氏

名迪

朱氏

名松

〔名宦祠〕在大成門左春秋致祭俱遵典禮祀宋知縣二

人明知縣十一人教諭二人

國朝知縣一人共十六人

宋秘書監贈寶文閣待制原知縣事李朴

知清江縣權攝通判軍州事趙孟濟

清江縣志

卷之三

學校

三十五

明翰林編修原教諭清江張九韶

戶部尚書原知縣事葉淇

知清江縣王泰

知清江縣朱安期

布政司叅議原知縣事王圻

湖廣巡撫副都御史原知縣事郭惟賢

分巡湖西道副使原知縣事張汝霖

繁昌知縣原清江教諭吳績

江西道監察御史原知縣事李徵儀

右通政使原知縣事李茂英

太常寺少卿原知縣事盧兆龍

巡按監察御史原知縣事梁士濟

監察御史原知縣事秦鏞

國朝知縣屈有信

鄉賢祠在大成門右春秋致祭俱遵典禮祀宋賢十一人元二人明三十九人

國朝四人共五十有六人

宋判三司都磨勘司尚書刑部郎中劉式

集賢學士判南京御史臺劉敞

中書舍人劉攽

清江縣志

卷之三

學校

三十六

尚書戶部侍郎贈太師向子諲

青州觀察使贈招化軍節度使諡忠壯李邕

直秘閣朝散大夫徐夢莘

知袁州軍州劉清之

尚書吏部侍郎贈龍圖閣學士諡忠肅彭龜年

朝請郎徐得之

通判潭州權知英德府徐天麟

直秘閣贈直寶章閣諡文憲張洽

元翰林供奉湖南嶺北廉訪司經歷范梈

徵士杜本

明徵士劉永之

國子助教聶鉉

正議大夫管太平府事徐敬

監察御史楊燦

右春坊右諭德黎恬

刑科給事中孫郁

翰林檢討晉階儒林郎劉翔

處士陳德雍

雲南提學副使彭綱

安東知縣孫治

清江縣志

卷之三

學校

三十七

布政司叅政黃繡

鶴慶軍民知府孫偉

漳州府通判聶仕

湖廣叅政龔守愚

四川布政使敖英

河南巡撫都御史龔亨

順德府同知聶璜

雲南按察司僉事蕭鳴邦

贈奉政大夫兵部職方郎中彭惟享

雲南布政司叅政楊標

南陽教諭贈文林郎程成譽

浙江提刑按察使徐雲程

鄉貢進士贈承德郎曾遷

化州知州錢天挺

浙江布政使加太僕寺卿程達

福建按察副使彭而珩

海鹽知縣黃之俊

刑部員外郎贈光祿寺丞熊鏞

吏部侍郎諡文毅熊化

員外郎郭煒

清江縣志

卷之三

學校

三十八

吏部考功郎中黎祖壽

工部虞衡司主事錢應華

羅平知州錢簡兆

兵部尚書東閣大學士諡忠節楊廷麟

四川按察使僉事曾曰琥

棗陽知縣諡忠烈郭裕

封德安府同知劉源

四川提刑按察司副使劉汝順

霸州同知劉鉞

國朝翰林院修撰劉子壯

山西冀甯道副使曾寅

禮部儀制司主事傅克生

官保尚書漕運總督諡勤毅楊錫紱

忠義孝弟祠在明倫堂前儒學門左春秋致祭俱遵典

禮祀忠義宋一人元二人明四人共七人孝子唐一人

宋二人明一人凡四人

唐孝子魯季文

宋贈節度使李邕

孝子劉師文

孝子趙孟玖

清江縣志

卷之三

學校

三千九

元金州學正劉應樞

義士劉天佑

明孝子龔紹搏

東莞典史蕭承命

侍郎熊化

督師閣部諡忠節楊廷麟

知縣諡忠烈郭裕

節孝祠在明倫堂右春秋致祭俱遵典禮舊祀晉陶夫

人湛氏以下合四十三人今增入姓氏具見列女傳

文昌廟歲以春秋仲月致祭陳設器數行禮儀節俱遵

典禮廟向在學宮前左乾隆三十八年改建學宮前右咸豐七年燬於兵

〔明倫堂〕在文廟左廣七尋深減六尺高視廣之半堂前爲墀左右翼爲橫舍凡八楹又前爲門門內左右有塾外繚以垣爲儒學門堂後教諭署齋在焉兩齋平列一六楹一四楹堂右書齋亦四楹其後庖湑之室左右圍院備咸豐七年兵燬十年重建又舊有觀德堂在文廟右臨射圃廣深視明倫堂不及五之三崇及四之三堂後爲訓導署爲前後齋一六楹一四楹四楹者左右爲槐室其前之右置庖焉兵燹後重建數楹同治八

清江縣志

卷之三

學校

四十

年不戒於火無存

〔尊經閣〕清江舊有閣明天啟間燬其後未建

國朝雍正以來歷年頒發書籍存貯學宮舊多闕失兵燹後無存茲仍照舊志書目敬謹開載

上諭二册

儒釋道論

上諭六部

上諭一册

上諭二部

上諭滿漢二册

聖朝教典三册

欽定訓飭州縣規條一册

齋戒碑四

文廟先賢先儒牌位册一

文廟樂章一册

部頒祭文一册

儀注二册

學政全書四册

欽定學政全書二部

續增學政全書二部

御纂周易折中二部

欽定書經傳說彙纂二部

又一部

欽定詩經傳說彙纂二部

又一部

欽定春秋傳說彙纂二部

又一部

欽定三禮義疏一部

清江縣志

卷之三

學校

四十一

御纂性理精義一部

又二部

御纂周易述義一套

御纂詩義折中一套

御纂春秋直解一套

欽定日講四書解義一部

駁呂留良四書講義二部

御批通鑑綱目一部

御定通鑑綱目三編一部

欽定明史一部

欽定授時通考一部

欽定四書文一部

御製詩初集一部

御製詩二集一部

御製文集一部

御製平定金川碑文一道

御製平定伊犁回部碑文一道

孝經注解一部

小學纂註一部

近思錄集解一部三部共一套

大學衍義輯要一部

大學衍義補輯要一部共套

四禮初稿一部

四書翼一部

呂子節錄一部

呂子節錄補遺一部

清江縣志

卷之三

學校

四十二

養正遺規一部五部共一套

豫章書院學約二冊

綱鑑正史約一部二套

訓俗遺規二冊

從政遺規二部每部二本

教女遺規二冊

養正遺規二冊

學額生徒定額宋元制各不同明洪武二年詔天下州

縣並立學校置生員府學四十人州學三十人縣學二

十人師生月廩食米人六斗有司給魚蔬學官月俸有

差生員有缺聽於民間選補仍免其差徭二丁其後以

多才之地許令於額外增廣宣德元年始定為額如廩

膳生數謂之增廣生正統十二年奏准常額之外軍民

子弟願入學者提學官考選其俊秀附學肄業謂之附學生無定額

國朝順治四年定直省各學廩膳生增廣生額俱如明舊其選入附學人數視所在人文之多寡分大學中學小學大學取入附學四十名中學三十名小學二十名十五年奏准儒童入學府學取二十名大州縣取十五名小學四五名清江入學視大州縣額取十五名雍正二年題准江西州縣向係大學令如府學額取入附學二十名清江援例請增廣額准定額增五名每歲考取入文章二十名附學科考如之其撥附府學人數無常額

武生明以前無之洪武二十年禮部請如前代故事立武學正統六年以兩京勲衛子弟多始立武學設教授訓導官其子弟曰武學生然但有於京衛而已嘉靖三十七年始命天下考取軍民子弟優於論策騎射者爲武生附於府縣儒學

國朝仍之清江定額每三歲考取武童生附入縣學爲武生凡十五名入府學者無定額咸豐七年奏准清江紳民捐輸礮船軍餉援例加永遠文武學定額各五名九年清江捐輸軍餉加永遠文武學定額各三名同治元年奏准清江在四川紳商捐輸軍餉加永遠文武學定

額一名三年清江捐輸軍餉加永遠文武學定額一名
學田宋代未詳元至正八年臨江路達魯花赤木八刺
以縣學歲計缺乃計路學擲節贏鈔命縣尹張悅遂照
磨鄧椿察民田之願鬻者優直售之會木八刺卒知事
芊沂繼其事於是田入學者百有六十畝教諭趙浚明
記明嘉靖四十五年知縣王圻牒發裴鏜裴銓願入學
田在茂材鄉規頭計田四十九畝有奇裴際科願入學
田在茂材鄉湘溪計田六畝四分二釐楊思益田價抵
買楊亮等崇學鄉洋湖田一十二畝有奇又奉知府馬
文學查追廢寺及欺隱田地內將修德鄉之小埭五斛
寺田地水窟二十畝有奇入縣學隆慶六年知縣陸書
價買黃都灘下周榮田七十四畝有奇入學新喻張春
記崇正二年知縣梁士濟置楊言富大塘沙埭頭段字
號田四十二畝有奇范佳一上陽尹家門前名字號田
一十四畝有奇入學自爲記自嘉靖以後學田凡二百
一十九畝有奇歲額學租三百一十一石七斗八升有
奇每年納辦歲課外俱存學贍給諸生

國朝乾隆間知縣鄧廷輯清查現在學田其由學徵收歲
租者據學冊所載爲田一十九畝有六釐額租二十二
石二斗每歲納正課地丁銀八錢七分零米五斗三升

零餘存以爲月課諸生薪米之資其由縣徵解者據縣存詳府文卷所載學田合二百三畝六分四釐內田九十三畝八分二釐歲徵額租穀九十三石八斗三升田一百有九畝八分一釐歲徵折租銀三十四兩二錢五分七釐每歲額解學院賑士銀三十一兩有奇車脚銀五錢八分其初均由縣學徵解雍正十三年奉學院檄縣催徵經署知縣葉重熙詳定專委縣丞經管乾隆五年以累歲積逋仍多未清知府李元英改歸知縣專管徵解

七都三圖小垆及五都四圖姜璜二處學田共四十四

清江縣志

卷之三

學校

四十五

畝四分一釐六毫六絲六忽每畝額租穀一石歲徵租四十四石四斗一升六合六勺六抄

十二都二圖洋湖學田五十畝七分八釐每畝額租穀一石歲徵租五十石七斗八升

十五都一圖溪西學田六十六畝一分一釐三毫每畝額租一石折銀三錢歲徵折租銀一十九兩八錢三分四釐

十六都五圖閻山學田三十八畝七分五釐七毫每畝額折租銀三錢三分歲徵折租銀一十二兩七錢八分九釐八毫

十七都一圖湘溪學田五畝一分五釐八毫每畝額折租銀三錢三分歲徵折租銀一兩七錢二釐零

右據鄧志開載由縣經管學田凡六處與詳府文卷內畝分租穀細數未符合計田二百有五畝二分二釐四毫六絲六忽歲共徵租九十五石一斗九升六合六勺六抄徵折租銀三十四兩三錢二分五釐零十四都 圖規橋學田五畝每畝歲額租穀一石計徵歲租五石

十六都一圖上洋學田一十四畝六釐每歲額徵租穀一十七石二斗

右學田二處由學徵收額租亦據鄧志開載

按清江學田由縣徵解者歲額解學院賑士銀三十一兩三錢二分三釐車脚銀五錢八分四釐自咸豐五年粵匪竄擾臨郡學田徵收之數無可清查今據同治八年案卷開載現存學田凡四處併徵收銀穀數目係從各鄉根尋而得知者備詳於後以便查考

洋湖學田歲徵額租穀四十六石七斗六升

溪西學田歲徵折租銀二十兩零五錢五分二釐

店下學田歲徵折租銀一十二兩八錢四分八釐

小坡學田歲徵折租銀一十兩零四分九釐三毫

新學宮前魚塘二口佃與近地民人養魚歲額塘租市
行錢八千文其塘塆東南地一段南北長二十二弓南
橫濶一十三弓北橫濶一十一弓塘塆東餘地一段南
北長三十四弓橫三弓塘塆北臨街餘地一段南北長
一十五弓東西橫三十四弓又迤西餘地一段南北長
十弓橫廣七弓合計地四段俱緣延塘塆毗連相接東
至大井古巷北至薌林街以科則計之其地三畝九分
九釐零其東南塘塆地現在佃與民人開墾種蔬其塘
與地舊爲民業乾隆三十八年清江合縣紳士公捐貲
費重直購置入於學宮永爲公業

清江縣志

卷之三

學校

四十七

舊文昌閣後學田二號計 分 釐歲徵租 斗乾隆
三十八年因建閣合邑公捐購得民業基地接連田三
號地一段既平基建閣其餘地舊係屋基所墾並無歲
納漕課

舊學宮基地一區在育賢門內東至城墻西前至民屋
墻西後至民地南至街北至民地南北直長一百二十
八弓前橫廣二十六弓中橫廣二十一弓後橫廣二十
四弓前有舊泮池一方

書院

附

章山書院

一府學右詳府志

蕭江書院在縣治西門內夾城巷康熙五十一年通判施廷元捐俸置田一百十四畝有奇歲徵租穀一百二十八石八斗有奇納正課外悉以分給郡士之攻苦而食貧者刊有捐置學田籍自爲序乾隆二十年通判刁鵬斗以其積歲租價購得前明參政楊標遺宅一區又增置宅旁空地葺舊謀新創建書院將延師課讀適以憂去二十八年署通判祖懋地詳請布政司立案二十九年知縣德隆因通判移駐樟樹鎮詳請義學田租歸縣經理旋奉定議學舍田租歸知府管理其曰蕭江書院卽知縣德隆所題榜也嘉慶年間書院圯遺址僅存

道光二十九年知縣陳紀麟倡建咸豐七年兵燬八年知縣馮械集紳士捐貲重建前頭門三楹中講堂左右房八間兩旁齋舍十六間後進三楹左庖室一間右旁基地一區至路後基地一區有土牆門前隙地一段魚塘一口

田租款額新喻縣東鄉清化區土名土勘下早晚田九十一號計一百一十四畝八分歲額共徵官斛租穀一百二十八石八斗六升五合六勺統計額糧十石新喻客戶每歲正課定納到官銀七兩六錢七分漕米五石二斗八升

莊屋一所大廳四榻兩邊住房四間兩廊廡屋二間橫屋三間巒林樹木籬塹泉井大門前後周圍空地及向北墳邊空地俱在內

舊蕭江書院在城南順治八年知縣洪其清建久廢

國朝劉子壯蕭江書院記

國家以百姓為基而晉何曾謂百姓以良吏為本漢吏治號稱

精核循良而外章帝獨取劉方以為不煩至皮日休又號元魯山為真吏豈不曰一邑之命懸邑宰得其人則保障之是倚不得其人則毛附皮蠹無所恃蕭江屬古揚州扼滄襟峽控劍城而帶袁筠土壤平曠風氣清恬其民朴直坦易胸無柴柵先民謂其君子可以論交小人可與講禮號稱易治古不乏廉能之吏今日不然戎馬生郊烽燧憑城水旱洊臻瘡痍交踵虎翼而市蠅集而途人多傾危士鮮金璧其繁劇浩穰甲天下山陰侯以名德雄才來靖茲土乘素絲之心推大車之體當王師駐紮干戈搶攘之際侯躬擐甲胄親歷戎伍輸餉轉芻

清江縣志

卷之三

書院

四十九

安定得所而婦子無驚於鼓鼙室廬尚存乎風雨比歲大潦稽天蘊隆焚山侯築隄成障步禱郊祈而高原不虐於旱魃下隰毋殘於汪洋捐貲重建學校鳩工集材親董厥事使洙泗毋弃靈於榛棘而濂洛不委教於駝牛督稅有方催科有時使積逋不廢於上下而胥吏不叫噉於東西若夫訟簡而刑清課士廉才則清靜之風有加於齊相而樂育之化遠過乎文翁邑之縉紳先生士民耆碩俎豆於城南而春秋祠其主以祀之而侯謙讓弗居改為蕭江書院欲以詩書禮樂之盛大啟於來茲俾講習於其中者有以繼蕭江理學事功之美故一時人心益感佩無已歡欣恐後共勤以有成其為之倡者則大參楊君廷楨聶君起潛錢君天心及熊子昇錢子天壽黃子昌全曾子憲祖與聚社中錢子天球周子萬祚鄧子洋沈子一湄鄧子顯祚錢子天城張子瑞亨李子人龍金子雨王子朝棟等余猥備史職深嘉侯之知人能得士也又有以知侯之才德大有造於國家而無愧於古之循良也故於書院之成而樂為之記

清江書院在縣治東宋直秘閣張洽建元至正八年臨

江路達魯花赤木八刺縣尹張悅遂增置學田一百六十畝見趙浚明縣學買田記

〔金鳳書院〕在縣治東南金鳳洲宋國子司業黎立武建鄞人全祖望云立武私淑於艮齋謝諤謝與朱子同時而其學出於兼山郭雍固程門之緒言也

〔石龍書院〕在治城南明嘉靖三年知府錢琦建

〔薌林書院〕在城東北舊建文昌閣北數十武明嘉靖二十八年知府李槃建以其地近向子諱薌林遺基故名
〔仰高書院〕在城東南府學前明嘉靖二十八年知府李槃建隆慶初於其地改建文峯樓

〔明經書院〕在城東南府學左明隆慶四年知府管大勳建新喻劉松記

〔明宗書院〕在南薰門內明崇正九年知縣王心純建中為堂四楹祀練中丞子甯後為講堂號舍前左為亭有魚池果樹之勝又捐置田五十畝自為記時楊閣部廷麟以太史退居講學其中兼與諸生習射後植節之士多出其從遊者明末燬於兵惟一亭存尋亦圯矣

〔樂育書院〕在舊察院行署前即今便民漕倉前也順治八年湖西分守道蔣顯捷建

〔雪巖書院〕在城東孝感坊盧家灣康熙二年知縣張暎

建

龍岡書院在城西富壽坊章山之陽康熙六年邑紳士為分守湖西道施閏章建吉水李元鼎記

觀瀾書院在縣東北五里迴龍寺右康熙二十一年知府陳克峻建有記及詩賦俱見江上清風錄

孫公書院在城東耀木街康熙間知府孫嗣端建

裴公義塾在城西甄家巷雍正間通判裴玉麟建

王侯書院在清江鎮聶公廟右康熙十五年邑士為知府王撫民建

滙川講堂在縣學觀德堂左乾隆三十五年知府李昌

清江縣志

卷之三

書院

五十一

昱遷建清江學宮日臨省閱因建此堂集邑紳士相與

會講

自清江書院以下俱入廢

社學明洪武八年詔有司立社學延師儒以教民間子弟十六年詔民間立社學有司不得干預其經斷有過犯人不許為師天順八年勅提學令有司每鄉每里俱設社學擇立師範明設教條以教人之子弟年一考較擇取勤效仍免其師徭役清江自明初以來例有社學然舊志佚不可考隆慶二年於城隍廟右建社學一南關西關北關各一社學四所每學延師一生徒各數十人崇正間南西北三社學俱廢惟城隍廟右一所僅

存尋亦頽廢矣

鄧志曰學校為儲才之地不特郡邑學書院也凡弟子未有不自蒙養始者明立社學屢申詔勅且責提學官考課成效今鄉塾中為童子師者多鄙矣不明句讀子弟深被其誤所在多有宜畧做社學遺意令所在鄉塾必以能通句讀訓誥及暢曉音韻之士課以孝經小學為始其塾立教條庶蒙養克端而蒸髦有地亦維風俗興教化之一道也